

Mientras keto bay no por duna cuenta riba venta di Interbank

Otro escandalo di FCCA na caminda

ORANJESTAD (AAN) Mientras tur atencion na Aruba ta dirigi riba e caso di Natalee, cierto asuntonan inaceptable den gobernacion ta sigui tuma lugar y dios sa cuanto asunto of casonan mas cu lo por perhudica Aruba lo tin andando.

Algun luna atras parlamentario di partido AVP, señor Otmar Oduber a haci den parlamento pregunta na ministro Marisol encuanto a venta di Interbank cual tabata propiedad di FCCA.

Te awe ni ministro Marisol, ni ministro di Finanzas Nilo Swaen y tampoco prome ministro Nel Oduber a duna cuenta na pueblo riba e venta extraño, dudoso y cuestionable di Interbank.

Documentonan relaciona cu e venta di Interbank pa un motibo of otro keto bay no por yega parlamento pa asina parlamentarionan por haci nan investigacion riba e venta di Interbank y 12 marioneta di MEP te awe no tabata dispuesto pa haci pregunta tampoco na ministro Marisol pa e bay parlamento pa duna cuenta riba e venta di Interbank manera cu el a priminti algun luna pasa.

Riba e dia cu ministro Marisol Tromp tabata den parlamento pa atende asunto di presupuesto el a bula pipa pa e no duna informacion riba e caso di Interbank y el a bisa cu un investigacion lo tabata a andando pa cu informacionnan relaciona cu Interbank, pero ta di con te

awe e ministro responsabel pa FCCA cual ta Marisol no por duna parlamento informacion?

Mientras parlamentarionan ta sigui den na winterslaap y 12 marioneta di MEP ta sigui pasa decisionnan estilo fastball manera nan a haci recientemente cu Postkantoor, otro escandalonan ta saliendo na claridad di dia.

Informacion a cuminsa leak encuanto un otro escandalo di pegamento di barco door di FCCA.

Ta conoci cu un di e campañadornan grandi di Marisol a haya un puesto halto den FCCA y te hasta el a haya studieopdracht pa e bay studia na Hulanda mientras e ta riba posicion clave na FCCA.

Kico e ta studiando na Hulanda, pueblo no ta na altura di dje y ki progreso e ta haciendo tampoco, pero mientrastanto lo tin un otro venta di propiedad di FCCA

cu lo por bay trece problemanan financiero grandi pa FCCA y asina tambe pa pais Aruba.

Un propiedad di FCCA lo a wordo bendi contra regla y

acuerdonan cu lo a wordo haci den pasado y pa cu esaki awor lo tin preparacionnan andando pa un caso den corte of cu FCCA lo tin cu bay regla un ke otro

financieramente den banda pa evita cu caso lo bay corte.

Keda pendiente pa un otro escandalo relaciona cu maneho cuestionable di FCCA.

Glenbert Croes ta lamenta atake contra su persona door di ministro Rudy Croes!


ORANJESTAD (AAN) — Den conferencia di prensa reciente, e lider politico di Partido OLA a reacciona riba locual e ta considera un atake contra su persona, for di Minister di Husticia sr. Rudy Croes, tocante su presencia den e rueda di prensa di algun siman pasa unda cu sr. Mathew tabata presente.

“Mi ta haya masha lamentable e atake aki di Minister di Husticia, ken semper a goza di hopi apoyo di nos banda den su esfuerzo contra

criminalidad y ilegalidad na Aruba. Mi ta haya lamentable pasobra esnan cu ta critica riba mi presençia, den nomber di partido OLA na San Nicolas, no ta papia cu LGOs y partidonan politico a worde invita pa ta presente na e rueda di prensa pa muestra apoyo, convivencia y solidaridad cu e dolor y sufrimento di dos mama di e security guardnan sres. John y Jones, cu a worde inhumamente encarcela. Y mi ta haya lamentable cu

den e criticanan cu ta worde dirigi contra nos, gobierno di Aruba ta bira ciego pa e dolor y sufrimento di e mamanan aki, y mi ta spera cu e color di nan cuero no confundi gobierno pa mira nan situacion, y asina conduci nan ataca hendenan cu si kier apoya nan, y comparti cu nan e mal experiencia cu nan a pasa, y haci un manifestacion di respaldo pa nan y inhusticia cu a tuma lugar contra nan yunan”, lider di OLA a subraya.

TA SUBMARINE SO FALTA MANDA AINDA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Ultra Compact

DVD Player

Afl. 79,95